

# SCRIPTA

**Numéro Scripta :** 5400

**Auteur(s) :** Eustache Trevieres [particulier]

**Bénéficiaire(s) :** Coutances (chapitre cathédral)

**Genre d'acte :** charte

**Authenticité :** non suspect

**Datation :** 1270, décembre

**Action juridique :** vente

**Langue du texte :** latin

## Analyse

Eustache Trevieres vend au chapitre de Coutances pour six livres une rente de six boisseaux de froment, mesure de Hauteville-Bocage, à la Saint-Michel du Mont-Gargan, trois pains de trois deniers et trois poules à Noël. Cette rente est due par plusieurs tenanciers pour des terres de Hauteville-Bocage.

## Tableau de la tradition

### Éditions principales

- a. Fontanel Julie, *Le cartulaire du chapitre cathédral de Coutances*, Saint-Lô, Archives départementales de la Manche (Sources inédites sur l'histoire du département de la Manche ; 1), 2003, n° 165, p. 297-298.

Texte établi d'après a

Notum sit omnibus presentibus et futuris quod ego Eustachius Trevierez vendidi et concessi et omnino in perpetuum dimisi canoniciis ecclesie Beate Marie Constantiensis sex bussellos frumenti ad mensuram de Hautevilia anni redditus ad festum sancti Michaelis in Monte Gargano et tres panes de tribus denariis tur. vel equivalentis monete et tres gallinas ad Natale Domini ; quem redditum michi debebant et reddebat annuatim, scilicet Ricardus dictus le Vallant, unum quarterium frumenti ad predictam mensuram et unum panem unius denarii et unam gallinam ad Natale ; et Johannes la Tanee, duos bussellos frumenti ad dictam mensuram et duos panes duorum denariorum tur. et duas gallinas ad Natale ; de duabus peciis terre quas ipsi feodaliter de me tenebant, sitis in parrochia de Hautevilia, una juxta alteram, inter terram Gaufridi Haretel et terram Andree Couldrei et butat ad vicum de Broborc ; percipliendum, habendum et eciam reddendum in perpetuum decetero annuatim libere, pacifice et quiete canoniciis predicte ecclesie per manus predictorum hominum et heredum ipsorum quos ad hoc eisdem canoniciis attornavi cum homagiis predictorum hominum et heredum ipsorum et cum omni alio jure quod ego seu heredes mei habere poteramus in predictis peciis terre, salvo jure domini capitalis. Juravi eciam supra sacrosancta evangelia omnia antedicta finaliter observare. Tenemur eciam ego et heredes mei dictis canoniciis omnia antedicta finaliter observare, omnino garantizare et deliberare contra omnes homines bona fide, vel alibi in proprio hereditagio nostro, ubicumque sit apud Hautevillam, valore ad valorem sibi teneremur excambiare, si forte garantizare non possemus. Pro qua venditione predicta, dicti canonici dederunt michi sex libras et persolverunt. In cuius rei testimonium et munimen, presentem cartam sigilli mei munimine roboravi. Actum anno Domini M° CC° decimo, mense decembri.